

Communicaziun da pressa

Pascal Crittin succeda a Gilles Marchand sco directur da RTS

Berna, Losanna, ils 5 d'avrigl 2017. Sin proposta dal Comité regiunal RTSR, ha elegì il Cussegl d'administraziun SRG SSR Pascal Crittin, 48 onns, a la testa da la RTS. El vegn a surpigliar sia funcziun il 1. da matg 2017.



Il Comité regiunal RTSR, presidià da Jean-François Roth, ha examinà ina ventgina da candidaturas ed interrogà sis candidats interns ed externs. El ha proponì al Cussegl d'administraziun SRG SSR da numnar Pascal Crittin sco directur da la RTS.

Pascal Crittin occupa dapi 15 onns responsabladads directivas a l'intern da RTS. El ha gi il post da directur d'Espace 2 e da secretari general da RSR, avant che manar il departament d'affars generals da la RTS, ina funcziun ch'el ademplescha dapi 7 onns. Quel departament cumpiglia las funcziuns da secretari general, ils projects d'interpresa, ils affars naziunals ed er il servetsch giuridic. En pli maina el il project che vul etablir la RTS sin il campus da la SPFL.

Cun preschentar Pascal Crittin, ha accentuà Jean-François Roth sias enconuschentschas profundas dal mund da las medias romandas, sia experientscha da radio e ses engaschament per quai che concerna la televisiun sco er plattafurmas numericas. Pascal Crittin dispona er da competenzas socialas e da manager elevadas ed ha in senn per l'equiliber cumprovà tranter l'analisa strategica e l'engaschament operaziunal. Sias bunas enconuschentschas da l'interpresa èn in avantatg supplementar ch'al permetta da surpigliar ina funcziun immediatamain operaziunala, entant ch'il public svizzer audiovisual sa chatta amez ina gronda debatta politica.

Pascal Crittin è in musicist versà, el è pianiste d'organist e dirigia in chor, creschì si a Saint-Maurice, nua ch'el ha fatg ina maturitad classica (cun latin e grec). Cun in master en musicologia e linguas classicas da l'Universitad da Friburg ha el cumenzà sia carriera tar las Editions Saint-Augustin a Saint-Maurice, nua ch'el è spert daventà directur.

Pascal Crittin vegn a surpigliar sias funcziuns il 1. da matg vegnint, el daventa successur da Gilles Marchand che surpiglia il post da directur general da la SSR il 1. d'october 2017.

Communicaziun d'interpresa SSR

Contacts:

Jean-François Roth, president RTSR: 058 236 69 75

Servetsch da pressa RTS : 079 681 72 31

Ina infurmaziun da pressa en preschientscha da Pascal Crittin, Jean-François Roth e Gilles Marchand ha lieu oz a la RTS a Losanna, 40 av. du Temple, da 13h15 a 14h00 – sala 107.

P.pl confermar vossa preschientscha via e-mail a carine.sechaud@rts.ch u per tel. : 079 681 72 31. Grazia fitg !
